

1.2.4.1

**O‘zbekiston texnik jihatdan tartibga solish agentligi va uning tizim
tashkilotlarida Korrupsiyaga qarshi kurashish va komplaens nazorati
bo‘limi tomonidan 2025 yilning 9 oyi davomida amalga
oshirilayotgan ishlar to‘g‘risida
MA’LUMOT**

**I. O‘zbekiston texnik jihatdan tartibga solish agentligi va uning tizim
tashkilotlarida korrupsiyaga qarshi kurashish borasida amaldagi qonunchilikdagi
topshiriqlarni bajarilganligi to‘g‘risida umumiy axborot**

O‘zbekiston Respublikasi Prezidentining 2022-yil 12-yanvardagi PQ-81-son qarori ijrosi ta‘minlash maqsadida qaror ilovasi bilan tasdiqlangan 29 ta indikator bo‘yicha Agentlik markaziy apparatda hamda uning tizim tashkilotlari kesimida indikatorlari ijrosi ta‘minlanib, hujjatlashtirish ishlari olib borilmoqda.

O‘zbekiston Respublikasi Prezidentining 2025-yil 5-martdagi Korrupsiyaga qarshi kurashish bo‘yicha milliy kengashning korrupsiyani oldini olish bo‘yicha ishlar natijadorligi va kelgusidagi ustivor vazifalarga bag‘ishlangan kengaytirilgan yig‘ilishida belgilangan topshiriqlar yuzasidan Agentlik tomonidan O‘zbekiston Respublikasi Bosh prokuraturasi bilan birgalikda “Texnik jihatdan tartibga solish sohasida korrupsiyaviy omillarni aniqlash va bartaraf qilish hamda korrupsiyadan holi muhitni yaratish borasida aniq chora-tadbirlarni amalga oshirish bo‘yicha” yo‘l xaritasi ishlab chiqilib, ijroga qaratildi.

Shu bilan birga, O‘zbekiston Respublikasi Prezidentining 2025-yil 21-apreldagi “Korrupsiyaga qarshi kurashish tizimini yanada takomillashtirish bo‘yicha belgilangan ustivor vazifalar ijrosini samarali tashkil etishga doir chora-tadbirlar to‘g‘risida”gi PF-71-son farmoni va “Davlat organlari va tashkilotlarning korrupsiyaga qarshi ichki nazorat bo‘limlari mustaqilligini ta‘minlash hamda faoliyati samaradorligini oshirish chora-tadbirlari to‘g‘risida”gi PQ-147-son qarori talablari ijrosi bo‘yicha qator dastur va rejalar ishlab chiqilib, ijrosi yuzasidan Vazirlar Mahkamasi, Bosh prokuratura, Korrupsiyaga qarshi kurashish agentligi, Hisob palatasi, Adliya vazirligi va boshqa idoralarga yozma ravishda axborot berib borilmoqda.

Jumladan, joriy yilning 2-iyun kuni “O‘zbekiston texnik jihatdan tartibga solish agentligining tizim tashkilotlarida Korrupsiyaga qarshi kurashish va komplaens nazorati tuzilmalari shtat birliklariga o‘zgartirish kiritish to‘g‘risida”gi 64-son buyrug‘i ishlab chiqilib, “O‘zTest” va “O‘z.MMI” davlat muassasalariga qo‘shimcha shtat ajratish bo‘yicha topshiriq kiritildi. Bu borada “O‘zbekiston ilmiy-sinov va nazorati markazi” va “O‘zbekiston milliy metrologiya instituti” davlat muassasalariga qo‘shimcha 2 tadan shtat birliklari ajratildi.

II. Siyosat va tartib-taomillar

Agentlik va uning tizim tashkilotlari kesimida korrupsiyaga qarshi kurashish sohasiga taalluqli bo‘lgan **15 ta** (2025-yil 4-fevraldagi 10-son buyruq) ichki idoraviy hujjatlar ishlab chiqildi va amaliyotga tatbiq etildi:

III. Xavf-xatarlarni baholash

O‘zbekiston Respublikasi Vazirlar Mahkamasining 2022-yil 11-martdagi 114-son qarori ijrosi yuzasidan 2025-yil 2-mayda Agentlik tomonidan xavf-xatarlarni bartaraf qilish dasturi ishlab chiqilib, yuklangan vazifalarni bajarish uchun amalga oshiradigan **9 ta** funksiyalar korrupsiyaviy xavf-xatarlari tahlil qilindi. Shundan, 1-tasi yuqori, 7-tasi o‘rta va 1-tasi past bo‘lgan funksiyalardan iborat bo‘lgan xavf-xatarlarni baholash dasturi ishlab

chiqildi. Xozirda ushbu dastur talablari asosida monitoring qilinib, maqsadli chora-tadbirlar amalga oshirilmoqda.

IV. Amalga oshiriladigan korrupsiyaga qarshi kurashish tartib-taomillar

Xususan, o'tgan davrda Agentlik tomonidan **7 ta** (O'zMMI DM 3 ta, O'zTest DM 2 ta, Standartlar instituti va Inspeksiyada 1 tadan) korrupsion xatti-harakatlar va qonun buzilishi holatlari sodir etilishi bo'yicha xizmat tekshiruvlari o'tkazildi.

Jumladan, O'zbekiston Respublikasi Bosh prokuraturasining 2025-yil 3-fevradagi 18/2553E-25-son taqdimnomasi bo'yicha (*joriy yilning 13-fevral kuni 02-06-586-son*), Toshkent viloyati prokuraturasining 2025-yil 7-martdagi 15/1-67-son taqdimnomasiga bo'yicha (*joriy yilning 18-mart kuni 02-06-1027-son*), Toshkent shahar Olmazor tumani prokuraturasining 2025 yilning 23 apreldagi taqdimnomasiga asosan, (*2025-yil 29-apreldagi 02-06-1659-son*) O'zbekiston Respublikasi DXXga (*2025-yil 21-aprelda 01-06-1490-son, 2025-yil 13-avgustdagi 02-06-3123-son*) va Samarqand viloyati prokuraturasiga (*2025-yil 16-sentyabrdagi 03-06-3557-son*) huquqiy baho berish uchun yuborildi.

Manfaatlar to'qnashuvini tartibga solish

Agentlik va uning tizim tashkilotlarida faoliyat ko'rsatuvchi xodimlar tomonidan manfaatlar to'qnashuvi deklaratsiyasi to'ldirildi.

Monitoring natijalariga ko'ra agentlik va uning tizim tashkilotlarida faoliyat ko'rsatuvchi **49 nafar** xodimda manfaatlar to'qnashuvi aniqlangan. Shundan barchasi tartibga solindi, 27 ta ehtimoliy va 22 tasi real holatda. Ushbu real va ehtimoliy manfaatlar to'qnashuvini oldini olish bo'yicha odob-ahloq komissiyalari huzurida ko'rib chiqilib, tegishli choralar ko'rildi.

Shuningdek, hisobot davrida jami **3223 ta** (*shundan Agentlik 81 ta, "O'zbekiston akkreditatsiya markazi" DM 200 ta, "O'zMMI" DM 1267 ta, "O'zTest" DM 1400 ta, Texnik jihatdan tartibga solish sohasida nazorat inspeksiyasi 61 ta va "Standartlar instituti" 214 ta*) shartnomalar bo'yicha xaridlar elektron do'kon, tender orqali hamda yagona yetkazib beruvchilar bilan tuzilgan shartnomalar doimiy ravishda tekshirib borilmoqda.

Agentlik va uning tizim tashkilotlariga **140 nafar** (*shundan, O'zbekiston texnik jihatdan tartibga solish agentligida 7 nafar, "O'zbekiston milliy metrologiya instituti" DMda 28 nafar, O'zbekiston ilmiy-sinov va sifat nazorati markazi" DMda 49 nafar, "O'zbekiston akkreditatsiya markazi" DMda 4 nafar, Texnik jihatdan tartibga solish sohasida nazorat inspeksiyasida 14 nafar va "Standartlar instituti" DMda 38 nafar*) nomzodlar o'rganilib, ishga qabul qilindi.

V. Ta'lim va kommunikatsiya

Agentlik va uning tizim tashkilotlarida faoliyat ko'rsatuvchi **700 nafardan ortiq** xodimlarga korrupsiyaga qarshi kurashish bo'yicha **3 marotaba** onlayn va offlayn seminar treninglar o'tkazildi.

O'zbekiston Respublikasi Prezidentining 2024-yil 21-iyundagi PQ-228-son qarori 9.1-bandi va ilovaning 14-bandlari ijrosini ta'minlash borasida Agentlik va tizim tashkilotlarining boshqaruv, so'nggi uch oyda ishga qabul qilingan, korrupsiyaga qarshi ichki nazorat tuzilmalari va korrupsiyaviy xavf-xatarlar yuqori bo'lgan lavozimlarida faoliyat ko'rsatuvchi jami **46 nafar** xodimlar ro'yxati (*Korrupsiyaga qarshi kurashish agentligiga 2025-yil 6-yanvardagi 02-06-63-son xat*) yuborilgan.

O'zbekiston Respublikasi Korrupsiyaga qarshi kurashish agentligi va O'zbekiston Respublikasi Huquqni muhofaza qilish akademiyasi tomonidan "Korrupsiyaga qarshi kurashish virtual akademiyasi" elektron platformasida davlat xizmatchilarini korrupsiyaga qarshi kurashish bo'yicha 2025-yilga mo'ljallangan o'qitish reja-grafigi tasdiqlangan.

Ushbu o'qitish reja-grafigiga asosan O'zbekiston texnik jihatdan tartibga solish agentligi va tizim tashkilot xodimlari malakasi oshirish joriy yilning oktyabr oyiga belgilangan.

Agentlik va uning tizim tashkilotlari xodimlarining huquqiy bilimlarini yanada oshirish maqsadida shu kunga qadar, O'zbekiston Respublikasi Prezidentining PQ-228 qarori ijrosini ta'minlash yuzasidan **88 nafar** xodimlarni O'zbekiston Respublikasi Huquqni muhofaza qilish Akademiyasida o'qitilib, sertifikatlar olindi.

Bundan tashqari, Agentlik va tizim tashkilotlarda faoliyat ko'rsatayotgan, va yangidan lavozimga tayinlanganlarni qo'shimcha ravishda o'qitish maqsadida o'quv dasturi tasdiqlangan bo'lib, reja asosida o'qitish ishlari amalag oshirilmoqda.

Agentlik va uning tizim tashkilotlari xodimlarining huquqiy ong va madaniyatini yuksaltirish borasida korrupsiyani oldini olish va unga qarshi kurashish yo'nalishida bukletlar, huquqiy targ'ibot materiallari tayyorlanib, rasmiy ijtimoiy tarmoqlardagi sahifalari orqali xodimlar va mutaxassislar uchun joylashtirib borilmoqda. Jumladan, joriy yilning 25-mart kuni Agentlik rahbari Korrupsiyaga qarshi kurashish va manfaatlar to'qnashuvini oldini olish borasidagi murojaati O'zbekiston Respublikasi Hukumati portali yagona platformasi va rasmiy veb.saytga joylashtirildi.

Agentlik va uning tizim tashkilotlari korrupsiyaga qarshi kurashish mavzusida **48 marotaba** (*shundan, 45 marotaba ijtimoiy tarmoqlarda va 3 marotaba radio-televideaniyalarda*) targ'ibot-tashviqot tadbirlari tashkil etilib, **74 marotaba** (*shundan, 36 marotaba ma'ruzalar, 16 marotaba davra suhbatlari, 21 marotaba seminar va 1 marotaba konferensiya*) og'zki hududiy targ'ibotlar tashkil etildi. Ushbu tadbirlarda jami bo'lib **2505 nafar** tizim tashkilot xodimlari qatnashdilar.

O'zbekiston Respublikasi Prezidentining 2025-yil 5-mart kunidagi "Korrupsiyaga qarshi kurashish bo'yicha milliy kengashning korrupsiyani oldini olish bo'yicha ishlar samaradorligi va kelgusidagi ustivor vazifalar"ga bag'ishlangan yig'ilishi va Agentlikning 2025-yil 28-fevral kunidagi 9-son yig'ilish bayoni talablaridan kelib chiqib, joriy yilning 5-14 mart kunlari hududiy huquqni muhofaza qilish idoralari xodimlari bilan hamkorlikda Qoraqolpog'iston Respublikasi, Toshkent shahri va barcha viloyatlarda korrupsiyaga qarshi kurashish borasidagi ishlarning mazmun-mohiyati barcha tarkib xodimlariga yetkazildi.

VI. Korrupsiyaviy xatti-xarakatlar va huquqbuzarliklar to'g'risidagi xabarlar

O'zbekistan texnik jihatdan tartibga solish agentligiga aloqa kanallari orqali korrupsiyaviy xatti-xarakatlar va huquqbuzarliklar to'g'risidagi xabarlar kelib tushmagan.

Joriy yilning may oyida Agentlik va tizim tashkilotlarida faoliyat yurituvchi hodimlarning korrupsiyaga qarshi kurashish borasida bilim va ko'nikmalarini, tashkilotda qabul qilingan hujjatlar borasidagi xabardorligini o'rganish maqsadida hodimlar o'rtasida anonim so'rovnomma o'tkazildi.

VII. Monitoring va nazorat.

Agentlikning korrupsiyaga qarshi ichki huquqiy-normativ hujjatlari va tartib-taomillariga rioya qilinishi, ularni agentlik faoliyatini korrupsiyaga qarshi qabul qilingan

talablarga muvofiqligini tekshirish, manfaatlar to'qnashuvini o'z vaqtida aniqlash va tartibga solishga qaratilgan chora-tadbirlarning amalga oshirilishi, korrupsiyaviy xavf-xatarlarini kamaytirishga qaratilgan chora-tadbirlarni tahliliy baholash maqsadida tadbirlar o'tkazib borilmoqda.

Hususan, agentlik va tizim tashkilotlarning muvofiqlikni tahliliy baholash bo'yicha **35 marotaba** joylarga chiqib o'rganildi.

Shu bilan birga, Texnik jihatdan tartibga solish sohasida nazorat inspeksiyasining hududiy bo'linmalariga **12 dona** "e-ma'muriy ish" axborot tizimidan foydalanish uchun maxsus planshetlar bilan ta'minlandi.

Agentlik va uning tizim tashkilotlarining korrupsiyaga qarshi kurashish faoliyatini monitoringini o'tkazishda bir qancha tadbirlar o'tkazildi. Bulardan, Agentlik va uning tizim tashkilotlari faoliyatida korrupsiyaga qarshi kurashish tizimining aktualligi, korrupsiyani oldini olishga qaratilgan chora-tadbirlarning yetarliligi va ularning samaradorligi, korrupsiyaga qarshi kurashish va komplaens nazorati bo'limlari faoliyatining samaradorligi, OAVlarda foydalanuvchilar tomonidan qoldirilayotgan izohlar, xodimlarni korrupsiyaga qarshi asosiy tartib taomillardan xabardorligi yuzasidan va yana bir qancha tadbirlar o'tkazilib faoliyat yuzasidan tavsiyalar va aniq chora-tadbirlar belgilab berildi.

VIII. Aniqlangan qoidabuzarliklar va ularga ta'sir choralari

Joriy yilning 9 oyi davomida Agentlik va tizim tashkilotlarda xodimlar tomonidan korrupsion holatlar, ichki mehnat intizomini buzilishi va boshqa holatlar bo'yicha 2 nafar xodim bilan mehnat shartnomasi bekor qilingan, 3 nafariga xayfsan berilgan va 1 nafar xodim jinoiy javobgarlikka tortilgan.

O'zbekiston Respublikasi Hisob palatasining 2025 yil 19-maydagi 103-sonli va Korrupsiyaga qarshi kurashish agentligining 20-sonli Qo'shma Farmoyishiga asosan, O'zbekiston texnik jihatdan tartibga solish agentligi va uning tizim tashkilotlarida korrupsiyaga qarshi kurashish bo'yicha ichki nazorat tizimi o'rganilib, aniqlangan kamchiliklarni bartaraf qilish yuzasidan dasturlar ishlab chiqilib, (2025-yil 7 iyulda 02-06-2619-son ilova xati bilan Xisob palatasi va Korrupsiyaga qarshi kurashish agentligiga yuborildi) taqdim etildi. Shuningdek amalga oshirilgan ishlar yuzasidan (2025-yil 6 avgustda 02-06-3020-son) ma'lumotnoma O'zbekiston Respublikasi Korrupsiyaga qarshi kurashish agentligiga yuborildi.

Ushbu yo'nalish bo'yicha chora-tadbirlar davom ettirilmoqda.

**Korrupsiyaga qarshi kurashish
va komplaens nazorati
bo'limi boshlig'i**

Q. Raximov